



BORN:

May 5, 1908

BIRTHPLACE:

Around Blackstone River

PARENTS:

Jarvis Mitchell and Nellie (Simon) Mitchell

GWICH'IN:

Teet'it Gwich'in

MARRIED:

Paul Bonnetplume, January 2, c. 1922 in Fort McPherson

CHILDREN:

Steven, Ephraim, John, Thomas, Cornelius, Ernest, William (d), Chris, Mary Rose (d), Nellie (d), Abraham (d)

ahtsu ganadhindau. Anjoo sruu t'inyaanch'uu zrit au utsu gat'agunindhan kwaa nuh. Vizhit kwan nichu goonlih kwaa ji' duuleh ge'ehht juu gwik'yunji'gju nuh.

Sarah zrit vitsu ts'at vitsuu kat nits'oots'at gwitr'it'agugwah'u geenjit gayuunilyin ganalndau nuh. Vaghau goonlu kwaa guugaa zrit nits'oots'at nilu hah t'ah'u, nilu gau tr'ahgau, gwich'yaa k'ee'ahtraa, gwich'yaa k'e'jahkai' ts'at vakat k'inedinahkai' ants'at vake'ahch'uu akoo dagoonch'uu tthak gwitr'it ahdandau. Vaghau nihk'utik dai' nits'oots'at nahaazru ts'at tan t'eh chihvyah chahchuh gayuunahtan. Akoo ts'at nits'oots'at adhoh ahshu chan guk'yaanjik ts'at anjoo kat gwuuzuu aachin al'u k'ughe' ahdandau. Gwuulit aachin al'u kwaa t'ee khangh ts'at idint'eh akoo t'ahedi'yaa gwik'it nagwijaazhu. "Shagwandau tthak sha'adhoh tthak a'ashu," Sarah juu dinuu. Au gehkhee ts'at nilu gau ts'at ik'eh ahgau tthak guuzhik anjoo kat gwandak leu guyah gwaandak. Nilu dhagau t'ee idreedhoh uhtshuh zhit nagimnlu jidu guyeltsau ts'at Teet'it Zheh nihee dai' anjoo kat gunt'a'ahchit juudin kaik'it gwa'an t'agunch'uu goo gadhan nilu kwaa kat hah.

Tr'oochit nihkhah goodhijik dai' Sarah ts'at Paul hah Dawson gwits'at gee'al au t'ee ddhah tat gwa'an t'agunch'u'. Dzan natr'aazru nagwunindhat dai' nijin gwa'an dzan eenjit nizu gwits'at gichuu'oo. Sarah shoo nilu kwaa guuzhik juu didimu', "Ju tthak too duyah goonlih kwaa. Leu kat dachan tat t'agunch'uu kwaa. Gwizhit t'agunch'uh ji' duuyeh au gwik'it dagoonch'uu. Ezhik dai' shik nakhwah gwitr'it goonlu. Juk at'at chan duyah zhuu goo'au gwizhik. Geetak zrit ddhah tat gwa'an t'ihch'uu k'it dagoonch'uu ezhik dai' zrit too hah sheenjit gwuuzuu ganalndau."

Sarah Bonnetplume Sarah (Mitchell) Bonnetplume

Vitsu, Louisa Choo diik'iyahthat, Sarah t'at geetak gwizhik zheh gwits'at chidhudajil. Driin Tsal ts'at Neenagwalu Driin dai' gwizhik Zheh gooveenidhudajil. Gwat au khau tthak dachan tat goo ddhah tat gwa'an gwudandar'. Ezhik dai' gwanoo dinju kat yee'ok t'agunch'uu nihk'yuu tthak natr'ihdijik. Sarah chan akoo ganadhindau t'at geetak zrit jak naalyuu goonlu dai' kwaan'at inihk gwa'an ddhah geetak dat'oo jak zheh hah goo daatsik nakal' hah goonlu. Khaunts'an' ts'at khau dai' ddhah tat

gwa'an nagahdijik vadzaih dhik'u eenjit natr'aazru. "Eu gwuuzuu gwudandau," Sarah ahnuu. "Tth'an ghai', nilu gau, vadzaih chi' kwan ts'at dhich'uh, gwuuzuu uda'aa. Shik zrit nilu zrih uda'aa. Uunjit shih chan gogoonru au geenjit nilu zraih uda'aa."

Sarah zrit natsal dai' t'at au nuvyah zheh gwizhit t'agunch'uu nijin zheh gwat'at gwidik'u ts'at nuvyah zheh gwidhoh nihnjeh natr'unlu nijin gwizhit utsu Dawson gwizhit ookat